

# XVI Concursu de Cuentos pola Oficialidá del Asturianu

## Bases

- 1** Los cuentos han de tar redactaos en Llingua Asturiana, respetando les normes ortográfiques vixentes. Sedrán inéditos, de tema llibre, non premiaos n'otros concursos lliterarios y que nun tean suxetos a nengún compromisu d'edición.
- 2** Los rellatos han de tener una estensión máxima de 10 folios y presentase mecanografíaos a doble espaciu, per una sola cara. Unviaránse un orixinal, trés copies y una copia más en versión informática (CD). Cada autor o autora nun podrá presentar namás qu'una obra.
- 3** Les obres, ensin firma, tienen de presentase con nomatu. Ésti apaecerá nuna plica, en sobre zarráu, onde constarán nome y apellíos del autor o autora, número del DNI, teléfonu de contautu, seños y currículu (con semeya).
- 4** Los cuentos han d'unviase a: Ayuntamientu de Bimenes (pal XVI Concursu de Cuentos pola Oficialidá del Asturianu). Martimporra, s/n. CP 33527 - Bimenes. Afítase'l teléfonu de contautu ya información que vien darréu: 985700004.
- 5** El plazu de presentación fina'l día 31 de mayu de 2013 (fecha del matasellos de correos) y l'apertura de pliques, que tendrá llugar na Casa Conceyu de Bimenes, fadráse'l día 3 de xunetu de 2013, nun actu abiertu al públicu.
- 6** El xuráu tará compuestu por trés miembros cualificaos y presidíu pol Alcalde de Bimenes. Los sos determinos nun podrán retrucase. Cualesquiera de los premios podrá quedar desiertu, según determín del mesmu.
- 7** Les obres premiaes sedrán propiedá d'esti Conceyu y nun se devolverá d'oficiu nengún de los trabayos presentaos. Amás, el ganador del concursu tará a dimposición del Conceyu Bimenes pa formar parte del xuráu nes dos ediciones siguientes, polo que, nesi tiempu, nun podrá participar nel concursu.
- 8** Nel actu institucional d'entrega de premios, a cèlebrar el 12 de xunetu de 2013 nel trescursu d'una xornada lliteraria, fadráse una llectura pública del cuentu ganador del primer premiu na voz del so autor o autora.
- 9** Afítense los premios que vienen darréu<sup>1</sup>:

Primer premiu .....	600 €
Segundu premiu .....	450 €
Tercer premiu .....	300 €
- 10** La participación nesti concursu lleva con ella l'aceutación dafechu d'estes bases.



Conceyu Bimenes

<sup>1</sup> A estes cantidaes yá se-yos tien aplicao la retención del IRPF.